

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلكمزه موافق آثار قبول اولنور.
درج اولنمایان اوراق اعاده اولنماز.

معارف

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

سطحیده بولنان باسیلاری مجو وازاله خاصه سنی
حائز بولیور ایسه ده قاشک ایچروسنه
کچمش اولان میقرو بلری افنا ایده مدیکی
آکلا شلشدردر بر یصدیغک اوزرینه چکیلان
عادی بر اورتو یصدیغک دروننده کی قوش
تویی یاخود باموق بارچهلرینه یالشیق اولان
میقرو بلرک محافظه حیاته مدار اولیورمش
بر یصدیغک دروننه نفوذ ایتش اولان دیفترا
باسیلاری یکرمن طقوز ساعت قدر کونشک
تأثیرینه عرض ایدلکدن صوکره اتلاف
ایدیله شلشدردر دیمک اولیورکه کونشک دفع
تعفن خاصه سی هر شیئه تطبیق ایدیله مینه جکدر
شعاعی یالکن قاشلرک سطحه تأثیر ایتدیکندن
یتاق چارشافی، حاولی، دلبد، قونداق کی
شیلرک تطهیری خصوصنده کونشک خاصه
تطهیرینه سنه مراجعت ایدیله بیلیر ایسه ده
کورک کی، یوزغان کی قالین قاشلری
تطهیره کافی کورولما مکه در.

کوی هکیمی

(مابعد)

خیار شنب [قشاء الهندی] — بومیوه نک
شکر لکش سیاه اتی چو جققلر بلا مزاجم
یه بیلیرلر: چو جق ایچون ۱۰ غرام، بیوکلر
ایچون ۶۰ غرام قدر ویر یله بیلیر، مر باسی
ده قاشقله ینه بیلیر.

تمر هندی — میخوشدر ۱۵-۶۰
غرامی صوده نفع ایله استعمال اولنور.

سنامکی — یابراغی یاخود میوه سی
نفع ایله استعمال ایدیلیر. اکثرا استمالی معده
بولاستیسی، وجع ویرر، تأثیرنی سریع
وشدیددر. بیوکلر ایچون ایکی یوز غرام
صو دروننده اون بش غرام سننامکینک
منقوعی بردفعده ویر یله بیلیر سده چو جققلر
اصلا ویرلمه لیدر.

چلاپه — کوکی یاخود طوزی مستعمل
وشدید تاثیردر. بیوکلر ایچون ۱-۲
غرام طبییک ترتیب و توصیه سی وجهله
آله بیلور. تأثیرنی بعد الاجرا قبض ویرر.
دیکندن علی الاکثر انتخاب ایدلکده در.

محموده — بودخی چلاپه کیسدر
وانک خاصه سنی خائردر چو جققلر سهولته
آله بیلیر. کذا طبییک توصیه و ترتیبی وجهله
یازم غرام مقداری بر چل ایچنه قاریشدر.
یله رق یاخود سوت ایچنده حل ایدیله رک
استعمال اولنور.

صاری صبر — طوز، خلاصه حالنده
واکثرا حب صورتنده ویریلیر. ۱۰-۲۰
سانتیگرامی ملین، ۳۰ سانتیگرامدن ۸۰
سانتیگرامه قدری مسهلدر طبییک امری
ایله استعمال اولغالیدر.

مقیی

مانطار، آفیون، توتون، بلادون و امثالی
سملی شیلردن تسمم کی احوال فوق العاده
وقوع بولما دجه و طبییک امر و توصیه سی
اولما دجه مقیی استعمالی قطعا جائز دکدر.
بوکی بر حال وقوعنده، اگر همان طبیب جلی
ممکن اوله مازسه، قی حصولی ایچون اول
امرده بوغازه یارماق یاخود طاوق تویی
ادخالی، خسته یه صیجاق صو ایچیرلمه سی
تدیرلرینه مراجعت اولنوب تأثیری کورولمه
دیکی صورتده خسته نک بر موت محققدن
تخلیصی ایچون در حال بر مقیی ترتیب واعطا
اولنه بیلیر.

مقیی اولق اوزره بیوکلره بر غرام
قدر طوز حالنده ipécacuanha یادم باردق
ایلیق صوده حل ایدیلوب اونر دقیقه فاصله
ایله برر قاشیق ایچیریلیر سده چو جققلر ایچون
کذا بومقدار صو دروننده نهایت یازم غرامی
تجاوز ایتمه لیدر.

مداوات خارجیه

بانو

عادی بانو — عادی بانو درت نوعدر:
برنجیسی صوغوق صو بانو سی که بونده
صویک حرارتی ۱۲-۱۸ درجه [سانتیگرام]
اولمالیدر؛ ایکنجیسی صویک حرارتی ۱۸-
۲۵ درجه اولاندر که سرین بانو دینر؛
اوچنجیسی ۲۵-۳۰ درجه حرارتی حائز
صو ایله اولان معتدل؛ درنجیسی ایسه
حرارتی ۳۰-۳۸ درجه اولان صیجاق صو
بانو سیدر.

کچک صوبی بانو سی [ملطف] —
۱۰ لیتره کچک ۲۰ لیتره صو دروننده قاینا-
دیلیر، صوکره سوزیلوب صوبی بانو ایدیله-
جک صویه علاوه ایدیلیر.

بو قبیل بانولر چو جققلر ایچون پک
فائده لیدر. شوقله رک چو جققلر مخصوصاً
استحضار اولنه جق صو نسبتنده کچک مقدا-
رینکده آزالدله سی ایجاب ایدر.

کچی قایناتقدن صوکره سوزمک
کلفتی اختیار ایدله مک ایسته نیلیرسه کچی بر
طوره ایچنه وضع ایله استحمام ایدیله جک
صو دروننه وضع ایتیلیدر. انجق بوخالده
طوره یی آغزینه قدر دولدر میوب یازم
براقق لازمدر.

کتن تخمی صوبی بانو سی [ملین] —
۱۰ لیتره صو دروننه بر کیلو غرام کتن تخمی
وایکی کیلو غرامده خطمی [یابراغی، کوکی،
صابی برابر اوله رق] وضع ایله قاینادیلهرق
سوزلدکن صوکره حاصل اولان صو
استحمام ایدیله جک صویه علاوه اولنور.

(مابعدی وار)